

Baibuli y'Abaana
yaaza kukworeka

Okuzaarwa
kwa Yesu



Ekahandiikwa: Edward Hughes
Ebihushani bikateerwa: M. Maillot
Ekateekateekwa: E. Frischbutter; Sarah S.
Ekahindurwa: Z. Kabaza
Ekashohozibwa: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2013 Bible for Children, Inc.

Noobasa kukopoorora nari okuteera omu kyoma akatabo k'ebigambo ebi,
kwonka torikwikirizibwa kukatunda.




Ira munonga, Ruhanga akatuma
Maraika Gaburieli aha mwishiki
oshugaine Omuyudaaya orikwetwa
Mariamu, yaamugira ati:
"Oryazaara omwana w'omwojo,
omwete eiziina Yesu.

Aryayetwa
Omwana wa
Rukira-boona,
kandi
obukama bwe
tiburihwaho".



Omwishiki yaatangaara,
yaabuuza ati: "Ekyo
kiryabaasika kita, ka
ntaine mushaija?"
Maraika yaamugira
ati omwana aryaruga
ahari Ruhanga,
tarigira ishe
omuntu.



Atyo maraika yaagambira Mariamu ku
muhara waabo Elizaabeesi aine enda
y'omwana w'omwojo omu
bukaikuru bwe. Eki
nakyo kikaba kiri
eky'okutangaaza.
Ku haahingwireho
ebiro bikye,
Mariamu
yaataayayira
Elizaabeesi; bombi
baahimbisa Ruhanga.



Mariamu akaba
naagambwa obugyeniyi
omushaija orikwetwa
Yosefu. Kikasaasa
Yosefu ku yaahuriire
ngu Mariamu
aine enda,
yaateekateeka
ngu n'ey'ondiijo
mushaija.




Kwonka maraika wa Ruhanga yaagambira
Yosefu omu kirooto ku enda yaabaire
eri ey'Omwoyo Orikwera, kandi ku
Omwana yaabaire ari Omwana wa
Ruhanga. Yosefu akaba naija
kukwatsa Mariamu okworora

Yesu.




Yosefu akeesiga Ruhanga, yaamworobera kandi
akoorobera ebiragiro by'ehanga rye. Ku haabaireho
ekiragiro kisya, we na
Mariamu baaza omu
rurembo rwabo,
Betelehemu,

kuha
omushoro.



Mariamu akaba ari
haihi n'okuzaara; beitu
Yosefu taratungireyo
mwanya, ahakuba enju
z'abagyenyi zoonaa
zikaba zijiwire.



Bwanyima yaareeba enju yamatungo, omwo nimwo
Yesu yaazaariirwe omu kaato.



Haihi na Beetelehemu hakaba hariyo abariisa omu
ishwa abaabaire nibarinda amasyo
gaabo. Maraika wa Ruhanga yaija



yaabagambira
amakuru
ag'okutangaaza.



"Omujuni yaabazarirwa omu rurembo rwa Daudi,
niwe Kristo Mukama waitu. Nimwija
kushanga omwana w'omwereere



abyamiibwe omu
kihongore".




Ahonaaho baamaraika baiingi baija,
baayeshongora hamwe na maraika
ogwo nibahimbisa Ruhanga, nibagira
bati:




"Ruhanga aheebwe ekitiinisa ahaiguru
omu iguru, n'omu nsi obusingye bugirwe
abantu abu ashemerereirwe
munonga".




Abariisa baagyenda nibeehuuta. Ku baareebire omwereere, baagambira boona ebi maraika yaagambire ahari Yesu.





Bwanyima y'ebiro makumi ana,
Yosefu na Mariamu baatwara
Yesu omu hekaalu,
Yerusaalemu. Hakaba
hariyo omugurusi,
eiziina rye Simeoni,
yaakiikira Omwana,
yaahimbisa Ruhanga;
kandi we omukaikuru
Anna, owaabaire
atuuramu naaramya
Ruhanga, yaasiima
Mukama.






Bombi bakaba nibamanya ku
Yesu yaabaire ari Omwana
wa Ruhanga, Omujuni
owaaraganisiibwe.
Yosefu akatamba
obwiba bubiri,
Ekitambo eki
abooro baabaire
baaha nk'oku
Ruhanga yaaragiire,
baareeta omwana
kumumurika omu
maisho ge.



Bwanyima
enyonyoozi etari
y'obutoosha
ekeebembera
Abanyabwengye
abaarugire



oburugwa-izooba baaza
Yerusaalemu. Baabuuza
bati: "Omugabe w'Abayudaaya
ozairwe ari nkahi? Nitwenda
kumuramya".





Omugabe Heroode
ku yaakihuriire,
yaayemereza omutima,
yaagira Abanyabwengye
ati: "Naanye ninyenda
kumuramya. Ku
muraamureebe, mwije
mungambire". Kwoka
akaba naabeiha,
ahakuba akaba
naayenda
kwita
Yesu.





Enyonyoozi ego ekeebembera
Abanyabwengye yaabahitsya aha
nju omu Mariamu na Yosefu
n'Omwana baabaire bari.
Baatsimba amaju, baaramya
Yesu, baamuha ebiconco
by'ezaabu
n'ebylemigaju.



Ruhanga akahabura
Abanyabwengye, baatoora
ogundi muhanda okugaruka
owaabo. Heroode atyo
yaakwatwa ekiniga kingi.




Ahakuba akaba amaririire
kwita Yesu, yaita abaana
b'aboojo boona abaabaire
bari Betelehemu.





Kwonka Heroode akaba
atarikubaasa kugira
eki yaakora Omwana
wa Ruhanga. Ruhanga
akareebekyera Yosefu,
yaamuhabura kutwara
Mariamu na Yesu,
bahungire Misri.





Herooke ku
yaafire, Yosefu yaiha Mariamu
na Yesu Misri, baagyenda baatuura
Nazareesi, haihi n'enyanja Galilaaya.



Okuzaarwa kwa Yesu

Ebi biihirwe omu Kigambo kya Ruhanga, Baibuli

bishange omu

Matayo 1-2 na Luka 1-2


"Ebigambo byawe ku bishuuruurwa bireeta
omushana." Zaaburi 119:130



Omuhelu

|

36



60



Ebigambo by'omu Baibuli ebi nibitumanyisa Ruhanga waitu owaatuhangire, kandi naayenda tumumanye.

Ruhanga naamanya ku turi abasiisi, nitukora ebibi. Ebihembo by'ekibi n'okufa, kwonka Ruhanga naatukunda munonga, nikyo yaayoyerereize Omwana we, Yesu, kukufeera aha musharaba akafubirwa ahabwa ebibi byawe. Kwonka Yesu akazooka yaagaruka omu Iguru. Ku orikumwikiriza, waamushaba akusaasire, naija kukusaasira ebibi byawe. Naija omuriwe hati, naiwe nooba omuriwe.

Ku oraabe noikiriza eki, gambira Ruhanga oti:
Ai Yesu, niinyikiriza ku ori Ruhanga, kandi ku waahindukire omuntu okafa ahabw'ebibi byangye, okazooka; hati ori ohuriire. Ninkushaba otaahe omu magara gangye onsaasire ebibi byangye ntungye amagara masya hati, bwanyima nyije ntuure naiwe ebiro byona. Nkwatsa ngume nkworobere kandi ntwaze gye nk'omwana waawe. Amiina.

Shoma Baibuli ogambe na Ruhanga buri izooba. Yohaana 3:16

